

STRANDA KOMMUNE



Alkoholpolitiske retningsliner 2024 - 2028

Tildeling av sals- og skjenkeløyve

Vedtekne i KOM-sak 065/24 18.06.2024

INNHALD

Innhald

1	INNLEDNING:	4
2	REGLEMENT FOR TILDELING AV SALS- OG SKJENKELØYVE I STRANDA KOMMUNE	4
2.1	<i>Regelverk</i>	4
2.2	<i>Formål med lova – Alkoholloven §1-1</i>	4
2.3	<i>Målsettinga for retningslinene</i>	4
2.4	<i>Saksbehandlingsreglar</i>	5
3	GENERELT REGELVERK	5
3.1	<i>Delegering</i>	5
3.2	<i>Definisjonar</i>	6
3.3	<i>Aldersgrenser</i>	6
4	SALSLØYVE	6
4.1	<i>Salsløyve for alkoholhadig drikk i gruppe 1</i>	6
4.2	<i>Salsløyve for alkoholhadig drikk i gruppe 2 og 3</i>	7
4.3	<i>Salsløyve for enkelthøve – Ope arrangement</i>	7
5	SKJENKELØYVE	7
5.1	<i>Alminneleg skjenkeløyve</i>	8
5.1.1	<i>Type verksemd for skjenking av alkoholhadig drikk i gruppe 1, 2 og 3</i>	8
5.2	<i>Skjenkeløyve for enkelthøve – Ope arrangement</i>	9
5.2.1	<i>Enkelthøve for skjenking av alkoholhadig drikk i gruppe 1 og 2 jf. Alkohollova §§ 4-2 og 4-4 gjeld for:</i>	9
5.3	<i>Ambulerande skjenkeløyve</i>	9
5.3.1	<i>Ambulerande løyve for skjenking av alkoholhadig drikk i gruppe 1, 2 og 3 jf. Alkohollova §§ 4-2 og 4-4 gjeld for:</i>	10
5.4	<i>Vilkår for skjenkeløyve for enkeltanledning og ambulerande skjenkeløyve</i>	10
5.5	<i>Unntak frå løyveplikta</i>	10
5.6	<i>Særlege tilfelle</i>	10
5.7	<i>Skjenking om bord i skip eller båtar</i>	11
5.8	<i>Høyringsinstansar</i>	11
6	PRINSIPP FOR UTØVING AV SALS- OG SKJENKEPOLITIKKEN	11
6.1	<i>Antal sals- og skjenkestadar</i>	12
6.2	<i>Type stad og målgruppe</i>	12
6.3	<i>Næringspolitiske omsyn</i>	12

6.4	<i>Omsyn til offentlig ro og orden, og til samfunnet øvrig</i>	12
6.5	<i>Vilkår til ansvarlege for skjenkeløyve</i>	13
6.5.1	<i>Krav til vandel</i>	13
6.5.2	<i>Kunnskapsprøver</i>	13
6.5.3	<i>Ansvarleg vertskap</i>	13
6.5.4	<i>Krav til internkontroll</i>	14
6.6	<i>Lengda på løyveperioden</i>	14
6.7	<i>Sals- og skjenketider</i>	15
6.7.1	<i>Salstider</i>	15
6.7.2	<i>Skjenketider</i>	15
7	KRAV TIL SØKNADAR OM SALS- OG SKJENKELØYVE	16
7.1	<i>Krav til søknad om salsløyve</i>	16
7.2	<i>Krav til søknad om skjenkeløyve</i>	16
7.2.1	<i>Krav til søknad om ambulerande skjenkeløyve og skjenkeløyve for enkelthøve</i>	17
8	BEHANDLING AV SØKNADAR	17
8.1	<i>Saksbehandling</i>	17
8.2	<i>Saksbehandlingstid</i>	17
9	KONTROLL MED SALS- OG SKJENKELØYVER	18
9.1	<i>Stranda kommune har med heimel i alkohollova § 9-1 ansvar for kontroll med utøving av kommunale sals- og skjenkeløyve</i>	18
10	REAKSJONAR VED BROTT PÅ SALS- OG SKJENKEVILKÅR	18
10.1	<i>Alkoholforskrifta § 10-3 om inndraging av sals- og skjenkeløyve</i>	18
10.2	<i>Sanksjonar ved brott på alkohollova</i>	19
10.3	<i>Utøving av skjøn ved tildeling av prikkar</i>	20
10.4	<i>Saksbehandling i kommunen ved tildeling av prikkar</i>	20
11	GEBYR FOR SAL OG SKJENKING	20
11.1	<i>Omsetningsoppgåve</i>	21

1 INNLEDNING:

Stranda kommune sitt mål er å føre ein løyvepolitikk som i størst mogleg grad avgrensar samfunnsmessige og individuelle skadeverknadar i samband med alkoholbruk, samstundes som den sikrar likebehandling og føreseielege rammevilkår for næringslivet. Kommunen skal ved behandling av løyvesaker gjere ei individuell alkoholpolitisk vurdering. I dei alkoholpolitiske avgjerdene vert det vurdert i kor stor grad bransjeinteresse skal vere utslagsgjevande i kommunal løyvepolitikk i forhold til omsynet til folkehelsa og den førebyggjande effekta.

2 REGLEMENT FOR TILDELING AV SALS- OG SKJENKELØYVE I STRANDA KOMMUNE

2.1 Regelverk

Følgjande lover og forskrifter set rammer og føringar for dei alkoholpolitiske retningslinene i Stranda kommune:

- Lov av 2. juni 1989 nr 27 om omsetning av alkoholholdig drikk mm – Alkohollova.
- Forskrift av 8. juni 2005 nr 538 om omsetning av alkoholholdig drikk mm – Alkoholforskrifta.
- Lov av 13. juni 1997 nr 55 om serveringsvirksomhet – Serveringslova.
- Ruspolitisk handlingsplan for Stranda kommune.

2.2 Formål med lova – Alkoholloven §1-1

Regulering av innførsel og omsetting av alkoholhaldig drikk etter denne lova har som mål å redusere i størst mogleg grad dei samfunnsmessige og individuelle skadar som alkoholbruk kan innebere. Som eit ledd i dette siktar lova på å begrense forbruket av alkoholhaldige drikkevarer.

2.3 Målsettinga for retningslinene

Gjennom alkoholpolitiske retningsliner skal kommunen legge til rette for ein heilheitleg og samla alkoholpolitikk, samt ei forutsigbar saksbehandling frå kommunen si side.

Overordna målsetting med alkoholpolitikken i Stranda kommune er:

- Å redusere skadeverknader av alkohol.
- Å vere forutsigbare, tydelege og tilgjengelege.

- Vere eit styringsreiskap for å sikre forsvarlege vurderingar av lokalisering, sals- og skjenkestadar, løyveperiode, vandel og alkoholfrie møtestadar.
- Systematisk sikre at sals- og skjenkestadar overheld gjeldande regelverk.
- Skape forutsigbarheit for eksisterande og nytt næringsliv.

2.4 Saksbehandlingsreglar

- Alkoholova §1-4a seier at sal, skjenking og tilvirking av alkoholhaldig drikk berre kan skje på grunnlag av løyve etter alkoholova.
- Alkoholova gir kommunene ansvar for tildeling av sals- og skjenkeløyver, og for å føre kontroll med og iverksette sanksjonar mot sals- og skjenkestadar ved eventuelle avvik på den utøvande løyvepolitikken etter den alkoholovgjevinga som til ei kvar tid gjeld.
- Kommunen sitt regelverk og regulering av sals- og skjenkerregelverket er viktige verkemidlar for å redusere alkoholrelaterte skadar. Eit løyve til å selje eller skjenke alkohol er ingen rett. Kommunen skal vektlegge helse og sosialpolitiske omsyn på best måte, men samtidig er det viktig å ta næringspolitiske omsyn.
- Dei alkoholpolitiske retningslinene skal sette rammer for behandling av saker etter alkoholova, og gi politikarar, innbyggjarar og næringsdrivande ein oversikt over kva som er lagt til grunn i behandlinga av slike saker. For å sikre ei rettferdig og forutsigbar behandling av løyvesaker er det i Stranda kommune sett ned eigne detaljerte retningsliner for kva kommunen vektlegg i si vurdering av sakene.
- Før alminneleg skjenkeløyve vert gitt til ein serveringsstad, skal det ligge føre løyve etter Lov om serveringsverksemd.

3 GENERELT REGELVERK

3.1 Delegering

Kommunestyret er løyvemynde ved behandling av alminnelege sals- og skjenkeløyve. Med det følgjer:

- Vedta kommunal ruspolitisk handlingsplan
- Godkjenning av sals- og skjenkeløyve.
- Inndraging av løyve.

Mynde delegert til kommunedirektøren, jf. delegeringsreglementet

- Søknadar om serveringsløyve.
- Søknadar om ambulerande løyve.
- Søknadar om løyve for enkelthøve.
- Utviding av eksisterande løyve for enkelthøve, også utviding av skjenkeareal.
- Godkjenne endring av styrar og reservestyrrar for innvilga løyve.
- Fastsette frist for innlevering av omsetningsoppgåver.
- Berekne løyvegebyr.
- Kontroll med sals- og skjenkeløyver.

3.2 Definisjonar

- Alkoholfri drikk: Inneheld under 0,7% vol.
- Alkoholsvak drikk: Inneheld frå og med 0,7 til og med 2,5 % vol.
- Alkoholhaldig drikk gruppe 1: Inneheld over 2,5% og høgast 4,7% vol.
- Alkoholhaldig drikk gruppe 2: Inneheld over 4,7% og under 22% vol.
- Alkoholhaldig drikk gruppe 3: Inneheld mellom 22% og 60% vol.

3.3 Aldersgrenser

- Alkoholhaldig drikk i gruppe 1 og 2 har aldersgrense 18 år.
- Alkoholhaldig drikk i gruppe 3 har aldersgrense 20 år.

Tilsette på sals- og skjenkestadar har ved tvil om alder både plikt og rett til å krevje legitimasjon.

4 SALSLØYVE

4.1 Salsløyve for alkoholhadig drikk i gruppe 1

- Alle salsstadar som skal selje alkoholhaldig drikk må ha salsløyve frå kommunen.
- Det vert ikkje gitt salsløyve for alkoholhaldig drikk til bensinstasjon eller kiosk jf. Alkoholforskrifta § 3-4.
- I Stranda kommune kan det gjevast salsløyve for alkoholhaldig drikk inntil 4,7% vol. til daglegvarebutikkar og spesialbutikkar.
- Det kan også gjevast løyve til sal av alkoholhaldig drikk tilvirka i eiga verksemd dersom det føreligg godkjent kommunalt tilvirkingsløyve. Løyve kan berre verte gitt dersom

tilvirkinga skal skje ved salsstaden, og at tilvirkinga og salet vil utgjere ein del av staden sin heilheitlege karakter og salstilbod. jf. alkohollova § 3-1b.
Dette kan vere gardsutsal og bryggeri mm.

- Det skal ikkje gjevast løyve til sal og skjenking i same lokale.

4.2 Salsløyve for alkoholhaldig drikk i gruppe 2 og 3

- Sal av alkoholhaldig drikk i gruppe 2 og 3 kan kun utførast av AS Vinmonopolet på grunnlag av kommunalt salsløyve.
- Det kan også gjevast løyve til sal av alkoholhaldig drikk i gruppe 2 og 3 tilvirka i eiga verksemd dersom det føreligg godkjent kommunalt tilvirkingsløyve. Løyve kan berre verte gitt dersom tilvirkinga skjer ved salsstaden, og at tilvirkinga og salet vil utgjere ein del av staden sin heilheitlege karakter og salstilbod. jf. alkohollova § 3-1b.
Dette kan vere gardsutsal og bryggeri mm.

4.3 Salsløyve for enkelthøve – Ope arrangement

- Sal av alkohol tilvirka i eiga verksemd vert regulert av alkohollova §§ 3-1b og 1-7f.
- Om bryggeri og liknande ønskjer å ta med seg det dei har produsert i eigne lokaler ut på ein marknad/festivalområde må dei ha statleg tilvirkingsløyve.
- I tillegg må det søkjast om eit utvida kommunalt salsløyve for eit enkelt bestemt høve på eit spesifikt område.
- Det er forbode og skjenke i same lokalet som ein sel produkta.

5 SKJENKELØYVE

- Alle serveringsstader som skal skjenke alkoholhaldig drikk må ha skjenkeløyve frå kommunen.
- Kommunen kan innvilge fast skjenkeløyve for alle tre alkoholgruppene samla, alternativt for berre gruppe 1 eller for gruppe 1 og 2.

Type alkoholhaldig drikk som kan skjenkast kan knytast opp mot ulike driftskonsept som for eks. hotell eller anna overnattingsstad, restaurant, og rein skjenkestad.

- Det kan også innvilgast skjenkeløyve for eit ope arrangement ved eit bestemt høve, eller for eit lukka arrangement ved eit enkelt høve.
- Det kan søkjast om utandørs skjenking tilknytt serveringsstaden. Utandørs skjenkeareal skal vere tydeleg avgrensa med gjerde eller liknande. Søknaden skal innehalde kartskisse over uteområdet der gjerde, bord osv. er tydeleg markert.
- For å sikre at alkohollova sitt regelverk om skjenking til mindreårige eller openbart påverka personar er det krav til forsvarleg vakthald ved skjenkeområdet. Ved større arrangement og skjenkestadar som har eit stort antal gjestar, skal vaktene vere godkjende av politiet. Brannvesenet skal også ha melding.
- Det skal ikkje gjevast løyve til sal og skjenking i same lokale.

5.1 Alminneleg skjenkeløyve

- Alminneleg skjenkeløyve vert gitt som eit fast skjenkeløyve til ein bestemt stad.
- Løyvet kan gjelde for skjenking av alkoholhaldig drikk i gruppe 1, 2 og 3 (øl, vin og brennevin).
- Løyve for gruppe to inkluderar alltid gruppe 1, og løyve for gruppe 3 inkluderar alltid gruppe 1 og 2

5.1.1 Type verksemd for skjenking av alkoholhadig drikk i gruppe 1, 2 og 3

- Hotell
Til hotelldrift vil det vere knytt restaurantar, diskotek, bar, nattklubb osv. Alle desse lokala er ein naturleg del av vanleg hotelldrift og er omfatta av eit og same løyve.
- Gardsturisme i kombinasjon med servering av tradisjonsmat og/eller overnatting.
- Restaurantar og andre serveringsverksemdar avgrensa mot eit vakse publikum der kommunen meiner at staden sin karakter tilseier at brennevin kan forsvarast.
- Selskapslokale.
- Kaffibarar og kaféar og loungar.
- Reiselivsverksemdar som pensjonat, vertshus, mindre overnattingsverksemdar o.l.
- Kulturhus m/ redusert skjenketid.
- Opplevingssenter med restaurantdel.
- Båtar i chartertrafikk – Turistrelatert.

5.2 Skjenkeløyve for enkelthøve – Ope arrangement

- Det kan gjevast løyve for enkelthøve. Dette er opne arrangement som festivalar, konsertar, dans mm.
- Det må vere ein styrar og ein reservestyra for løyvet, og desse må ha uklanderleg vandel.
- Ved større arrangement vert det stilt ei rekkje krav til arrangøren. Eit større arrangement vert rekna som eit arrangement som er tilgjengeleg for ålmenta, og der det er eit visst farepotensial ved uforutsette hendingar. Det finst eigne rettleiarar for slike arrangement, for eksempel «[Rettleiar for tryggleik ved store arrangement](#)» utarbeidd av Direktoratet for samfunnsikkerheit og beredskap.
- Opne arrangement vert ikkje tildelt løyve i gruppe 3 (Brennevin)

5.2.1 Enkelthøve for skjenking av alkoholhadig drikk i gruppe 1 og 2 jf. Alkoholova §§ 4-2 og 4-4 gjeld for:

- Frittstående enkeltarrangement
- I forsamlingslokale.
- Festivalar og dansetilstellingar.
- Arrangement som går over ein periode på inntil seks dagar kan reknast som eit enkelt høve.
- I kultur-, fritids- og idrettsarenaer kan det i særlege høve gjerast unntak når anlegga vert nytta til kulturelle og sosiale føremål.

5.3 Ambulerande skjenkeløyve

- Ambulerande skjenkeløyve er ikkje knytt til ein bestemt person eller skjenkestad, og gjeld i slutta selskap.
- Løyvet kan gjelde for skjenking av alkoholhadig drikk i gruppe 1, 2 og 3 (øl, vin og brennevin)
- Ambulerande løyve vert gitt til slutta selskap. Slutta selskap betyr at det allereie før skjenkinga tek til, er danna ein slutta krets av inviterte personar i eit bestemt lokale. Arrangementet må ikkje vere opne for utanforståande. Det er ikkje nok at ein før skjenkinga tek til, skriv seg på ei liste eller kjøper billett.

5.3.1 Ambulerande løyve for skjenking av alkoholhadig drikk i gruppe 1, 2 og 3 jf. Alkohollova §§ 4-2 og 4-4 gjeld for:

- Selskapslokale.
- Verksemdar som har generelt løyve avgrensa til gruppe 1 og 2 kan søkje om ambulerande løyve for gruppe 3 i slutta lag.
- Tildeling av ambulerande løyve/enkeltløyve vert ikkje gitt til areal som er unnateke for skjenking i lov, forskrifter eller kommunale retningslinjer.
- I kultur-, fritids- og idrettsarenaer kan det i særlege høve gjerast unntak når anlegga vert nytta til kulturelle og sosiale føremål.

5.4 Vilkår for skjenkeløyve for enkeltanledning og ambulerande skjenkeløyve

- All skjenking av alkoholhaldig drikk mot ein eller annan form for vederlag/betaling krev løyve.
- Ansvarleg skjenkestyrar må vere fylt 20 år.
- Det er ikkje krav til bestått kunnskapsprøve i alkohollova.
- Løyvehavar er ansvarleg for at skjenkinga går føre seg etter gjeldande lover og reglar, og skal ha kontroll med all bruk av alkohol i det arrangementet løyvet gjeld for.
- Skjenketida følgjer vedtekne skjenketider for Stranda kommune.

5.5 Unntak frå løyveplikta

- Det er mogleg å skjenke og drikke alkohol utan skjenkeløyve i lokale som er leigd eller lånt ut til privatpersonar for eit enkelt bestemt høve, som bryllaup, åremålsdagar, slektstreff og andre jubileum.
- Det er ein føresetnad at skjenkinga i slike høve skjer vederlagsfritt.
- Eit slikt fritak gjeld ikkje organisasjonar som leiger/låner eit lokale.

5.6 Særlege tilfelle

- I særlege tilfelle og etter nærare vurdering kan kommunestyret sjølv gjere unntak frå typer driftskonsept omhandla i pkt. 4 med omsyn til om det skal gjevast alminneleg skjenkeløyve.
- Det vert ikkje gjeve skjenkeløyve til gatekjøkken, kioskar, bensinstasjonar, og serveringsstadar knytt til desse.

5.7 Skjenking om bord i skip eller båtar

- Skip eller båtar som ønskjer alkoholservering må søkje om skjenkeløyve.
- For at skip eller båtar skal få kommunalt skjenkeløyve kan dei ikkje gå i kollektiv trafikk, men skal nyttast i samband med turist- og charterturar.
- Skip og båtar som startar og avsluttar sine turar i Stranda kommune må søke om skjenkeløyve i Stranda kommune.
- Gjeldande skjenke- og opningstider for serveringsstader på land gjeld også for skip og båtar.
- Det vert ikkje krevd skjenkeløyve frå Stranda kommune dersom turen startar og endar i andre kommuner enn Stranda. Dette betyr at ein kan ankre opp i Stranda kommune sitt farvatn medan det vert konsumert alkoholhaldig drikk, men ikkje medan båten ligg ved kai.
- Dersom turen startar og avsluttar i andre kommuner enn Stranda, kan passasjerar hentast om bord og settast i land i Stranda kommune.
- Båtar og skip i kollektiv trafikk må ha statleg skjenkeløyve.

5.8 Høyringsinstansar

- Ved søknad om alminnelege sals- og skjenkeløyve skal det hentast inn uttalar frå sosialtenesta og politiet.
- Skatte- og avgiftsmyndigheitene.
- Ved behov kan det også hentast inn uttalar frå plan- og byggesaksavdelinga, skular, grunneigar, sameige og andre aktuelle partar. Dette for å sikre at lover og retningsliner vert overheldt.

6 PRINSIPP FOR UTØVING AV SALS- OG SKJENKEPOLITIKKEN

Ved vurdering av om løyve bør innvilgast kan kommunen blant anna leggje vekt på følgjande (alkoholova § 1-7a):

6.1 Antal sals- og skjenkestadar

- Kommunen har moglegheit til å sette tak på antal sals- og skjenkeløyve totalt, innanfor bestemte område eller i forhold til ulike driftskonsept. Det kan leggest vekt på ønskje om alkoholfrie soner eller områder i kommuna.
- Stranda kommune har ikkje tak på antal løyvestadar.

6.2 Type stad og målgruppe

Ved behandling av søknad om skjenkeløyve kan det leggest vekt på:

- Skjenkestaden si målgruppe.
- Tidlegare erfaring med driftsform og plassering.
- Skjenkestaden sitt driftskonsept.
- For enkelthøve kan det i vurderinga leggest vekt på om barn og unge er ein del av målgruppa for arrangementet.

6.3 Næringspolitiske omsyn

Ved vurdering av næringspolitiske omsyn kan følgjande leggest til grunn:

- Unngå monopolsituasjonar og forskjelsbehandling.
- Om sals- eller skjenkestaden har lærlingeordning.
- Ønskje om å stimulere utviklinga i visse delar av kommunen.
- Det bør takast omsyn til at kommunen er ein del av ein turistregion.
- Løyvepolitikken skal vere forutsigbar, og med retningsliner som gir næringa godt driftsgrunnlag og konkurransevilkår. Kontroll av tildelte løyver skal sikre at sal- og skjenking skjer i tråd med lov og retningsliner.

Desse forholda går inn i totalvurderinga i kvar enkelt sak.

6.4 Omsyn til offentleg ro og orden, og til samfunnet øvrig

Ved vurdering av omsyn til offentleg ro og orden kan følgjande forhold leggest til grunn:

- Omsynet til eit godt bo- og oppvekstmiljø
- Om området generelt eller staden spesielt tiltrekk støy og uroligheiter.
- Politiet skal uttale seg både om søkjaren sin vandel og om sjølve søknaden. Eventuelle problem i forhold til ro og orden vil kome fram av politiet sin uttale. Negative uttalar i forhold til dette omsynet går inn i vurderinga i kvar enkelt sak.

6.5 Vilkår til ansvarlege for skjenkeløyve

6.5.1 Krav tilandel

- Alkohollova sine vandelskrav til løyvehavar, styrar og reservestyrrar må vere oppfylt.
- Alle søknadar skal sendast til politiet for vandelssjekk, men det er kommunen som avgjer om eventuelle merknadar skal medføre at styrar eller reservestyrrar ikkje kan godkjennast eller at løyve ikkje kan verte gitt til søkjar.
- I vurderinga skal ein leggje vekt på:
 - Straffbare handlingar begått dei 10 siste åra.
 - Eventuelle brot på skatte- og avgiftslovgjevinga.

6.5.2 Kunnskapsprøver

- Alkohollova krev at styrar og reservestyrrar for sals- og skjenkeløyve må ha dokumentert kunnskap om alkohollova og regelverk gitt i medhald av denne. For å få sals- eller skjenkeløyve må ein ha bestått kunnskapsprøve om alkohollova.
- For å få behandla søknaden må dagleg leiar i tillegg dokumentere bestått etablererprøve etter serveringslova.
- Etablererprøve og sals- og skjenkeprøve kan avleggjast på Servicekontoret i kommunen.

6.5.3 Ansvarleg vertskap

- Stranda kommune ønskjer eit trygt og triveleg uteliv med ansvarleg vertskap i skjenkebransjen. Eit ansvarleg vertskap vil bidra til å førebyggje overskjenking, skjenking til mindreårige, vald og truslar.
- For å auke kompetansen til dei tilsette i skjenkebransjen er det utvikla eit e-læringskurs som gir ei innføring i aktuelt regelverk i alkohollova, og alkoholen sin verknad på kroppen.
- Kurset tek føre seg alkohollova, samtidig som at det set fokus på konflikthandtering og utfordringar i bransjen.
- Kurset består av seks leksjonar og ei avsluttande prøve. Ved bestått prøve får ein kursbevis. Kurset finst på norsk og engelsk.
- **Alle løyvehavarar pliktar å gjennomføre kurs om ansvarleg vertskap innan eit år etter løyvetildeling.** Stranda kommune oppmodar likevel alle tilsette i

skjenkebransjen til å gjennomføre e-læringskurset på [Helsedirektoratet sine nettsider](#).

6.5.4 Krav til internkontroll

- Sjekk av internkontroll går inn i kontroll med sals- og skjenkestadar.
- Internkontrollen handlar om sals- eller skjenkestaden si interne styring, og eigen kontroll av den daglege sals- og skjenkeverksemda.
- Internkontrollen inneber at dei ansvarlege for verksemda skal:
 - Ha oversikt over løyvevedtak, relevant lovverk og lokale retningslinjer.
 - Sørge for at dei tilsette har kunnskap og kompetanse til å overhalde krava i verksemda.
 - Ha oversikt over korleis verksemda er organisert, og korleis ansvar og oppgåver er fordelt.
 - Ha rutinar som sikrar at regelverket blir overheldt.
 - Ha rutinar som førebyggjer, oppdagar og rettar opp avvik.
 - Ha systematisk gjennomgang av internkontrollen.
- Rettleiar for internkontroll (IS-1337) syner grunnleggjande krav til eit internkontrollsystem.

6.6 Lengda på løyveperioden

- Kommunalt løyve til sal og skjenking av alkoholhaldig drikk vert gitt for periodar på inntil 4 år, og med opphøyr seinast 30. september etter val av nytt kommunestyre. Slike løyver kan dessutan gjevast for ein bestemt del av året, og for ei bestemt anledning.
- Alkohollova opnar opp for at kommunen kan vedta at løyve likevel ikkje skal opphøyre, men gjelde vidare for ein ny periode på inntil 4 år med opphøyr seinast 30. september etter val av nytt kommunestyre. Kommunen kan vedta at ingen løyve skal opphøyre, eller fastsetje nærare retningslinjer for kva type løyver det må søkjast om fornying for. Desse vedtaka kan kun fattast dersom kommunen etter kommunevalet har teke ein gjennomgang av dei alkoholpolitiske retningslinene i kommunen, og vurdert løyvepolitikken.
- Føremålet med dette er ikkje at kommunen skal spare ressursar, men i staden kunne bruke ressursane på ein annan og meir effektiv måte dersom ei fornying etter kommunen sitt skjøn ikkje er nødvendig for å trygge alkoholpolitiske omsyn.

Dersom kommunen bestemmer at løyve ikkje treng ny behandling, vil kommunen kunne nytte midlar til ei grundigare oppfølging gjennom kontroll og dialogbasert samarbeid for å sikre at løyveregelverket vert ivareteke.

- I følgjande tilfelle må det likevel søkjast om nytt løyve:
 - Ved eigarskifte.
 - Ved brot på vilkår som er sett i løyvet.
 - Ved for mange tildelte prikkar.
 - Ved innspel frå politiet om mykje uro, bråk eller andre forhold på staden eller i området.
 - Ved merknader på vandel.

6.7 Sals- og skjenketider

6.7.1 Salstider

- Vinmonopolet: Departementet fastset opningstida for Vinmonopolet.
- Salstider for øl i butikkane:
 - 09.00 – 20.00 på kvardagar og dagen før Kristi Himmelfartsdag.
 - 09:00 – 18.00 på dagar før søn- og helgedagar.
- På påske-, pinse-, jule- og nyttårsaftan vert salstida lik opningstida for den enkelte butikk, men maksimalt kl. 09:00 – 16:00.
- Det er ikkje lov med sal på søn-, helge- og høgtidsdagar.
- Salstidene for øl er fastsett ved forskrift.

6.7.2 Skjenketider

- **Gruppe 1 og 2 (øl og vin):**
 - Kl. 10.00 - kl. 02.00 for innandørs skjenking.
 - Kl. 10.00 - kl. 02.00 for utandørs skjenking.
- **Gruppe 3 (brennevin):**
 - Kl. 13.00 – kl. 02.00 for innandørs skjenking.
 - Kl. 13.00 – kl. 02.00 for utandørs skjenking.
- Konsum av skjenka alkoholhaldig drikk må opphøyre seinast 30 minutt etter skjenketida er slutt - jf. Alkoholova §4-4.
- Ved sommartid fyl ein den til ei kvar tid gjeldande klokke. Dette vil seie:

- Ved innføring av sommertid siste søndag i mars vert skjenking slutt kl. 01:30 med konsumslutt 02:00 (kl.02:00 vert klokka stilt til 03:00).
 - Ved slutt på sommertid siste søndag i oktober kan det skjenkast til kl. 02:00 etter vanleg "sommertid" (kl. 03:00 vert klokka stilt til 02:00)
- Skjenketidene er fastsett ved forskrift.

7 KRAV TIL SØKNADAR OM SALS- OG SKJENKELØYVE

7.1 Krav til søknad om salsløyve

- Det må søkjast salsløyve via elektronisk søknadsskjema på Stranda kommune si nettside.
- Følgjande opplysningar må leggest ved søknaden:
 - Firmaattest eller liknande.
 - Skatteattestar.
 - Eventuell dokumentasjon på at dei tilsette er registrert i arbeidstakarregisteret og har lovleg arbeidskontrakt.
 - Dokumentasjon på eige/leigeforhold av lokalet.
 - Planskisse av lokalet.
 - Bruksløyve frå kommunen.
 - Stadfesting på bestått kunnskapsprøve i alkohollova for styrar og reservestyrrar.

7.2 Krav til søknad om skjenkeløyve

- Det må søkjast skjenkeløyve via elektronisk søknadsskjema på Stranda kommune si nettside.
- Følgjande opplysningar må leggest ved søknaden:
 - Firmaattest eller liknande.
 - Skatteattestar.
 - Eventuell dokumentasjon på at dei tilsette er registrert i arbeidstakarregisteret og har lovleg.
 - Dokumentasjon på eige/leigeforhold av lokalet.
 - Planskisse av lokalet.
 - Bruksløyve frå kommunen.
 - Stadfesting på bestått kunnskapsprøve i alkohollova for styrar og reservestyrrar.

- Skildring av type skjenkestad og driftskonsept.

7.2.1 Krav til søknad om ambulerande skjenkeløyve og skjenkeløyve for enkelthøve

- Det må søkjast løyve via elektronisk søknadsskjema på Stranda kommune si nettside.
- Følgjande opplysningar må leggest ved søknaden:
 - Opplysningar om søkjar/organisasjon.
 - Opplysningar om kontaktperson.
 - Opplysningar om skjenkestyrar – dersom dette ikkje er same som kontaktperson.
 - Opplysningar om reservestyrar.
 - Skjenkestad.
 - Type arrangement.
 - Kva for gruppe alkoholhaldig drikk det søkjast om.
 - Skjenketid.
 - Eventuelt litt om organiseringa av arrangementet.

8 BEHANDLING AV SØKNADAR

8.1 Saksbehandling

Alle søknadar som sals- eller skjenkeløyve vert vurdert i samsvar med alkohollova sitt regelverk og lokal rusmiddelpolitisk handlingsplan.

8.2 Saksbehandlingstid

- Alkohollova § 1-11 sei at saksbehandlingsfristen på søknadar om sals- og skjenkeløyve som skal avgjerast av kommunestyret er inntil 4 månader frå kommunen har motteke komplett søknad. Overskriding av frist vil ikkje seie at søknaden vert sett på som innvilga.
- Eigarskifte og utviding av areal krev også ny behandling. Ved eigarskifte kan ny eigar søkje om å selgje eller skjenke alkohol på tidlegare eigar sitt løyve i inntil 3 månader medan kommunen behandlar ny søknad om løyve. Det vert forutsett at ny søknad om løyve er sendt kommunen innan 30 dagar etter overtakelsesdato.

- Søknadar om ambulerande skjenkeløyve har søknadsfrist minimum 2 veker før arrangementet, og skal behandlast innan den tidsfristen.
- Søknader om enkeltanledning har søknadsfrist minimum 3 veker før arrangementet, og skal behandlast innan den tidsfristen.

9 KONTROLL MED SALS- OG SKJENKELØYVER

9.1 Stranda kommune har med heimel i alkohollova § 9-1 ansvar for kontroll med utøving av kommunale sals- og skjenkeløyve

- Føremålet med kontroll er å sikre at sal og skjenking føregår innanfor rammene av gjeldane lov og regelverk.
- Kontroll av sals- og skjenkestadane i Stranda kommune vert gjennomført av privat vakselskap etter avtale med kommunen.
- Sals- og skjenkestadane skal kontrollerast så ofte som behovet tilseier det, og minimum ein gong pr. år, jf. alkoholforskrifta §9-6. Det totale antal kontrollar skal tilseie tre gongar antal sals- og skjenkestadar i kommunen.
- Kommunen skal sikre at kontrollen til ei kvar tid er retta mot dei forhold som er hensiktsmessige etter vurdering av lokale forhold. Skriftleg rapport etter kontroll skal sendast løyvehavar for uttale samtidig som den vert sendt til løyvemyndigheita.

10 REAKSJONAR VED BROTT PÅ SALS- OG SKJENKEVILKÅR

10.1 Alkoholforskrifta § 10-3 om inndraging av sals- og skjenkeløyve

- Kommunestyret har delegert til kommunedirektøren prikktildeling etter brott på alkohollova med inntil 12 prikkar i saker utan skjerpande eller formildande omstende. Kommunedirektøren fattar enkeltvedtak om tildeling av inntil 12 prikkar.
- Kommunestyret har delegert til Levekårsutvalet (LKU) å vedta prikktildeling inntil 12 prikkar i saker med skjerpande og formildande omstende (paragraf 10-4 i forskrift).
- Kommunestyret har delegert til Levekårsutvalet (LKU) å behandle klagesaker etter brott på alkohollova med inntil 12 prikkar.

10.2 Sanksjonar ved brot på alkohollova

Forskrift om omsetning av alkoholholdig drikk (alkoholforskrifta) av 8. juni 2005 nr 538 § 10-1 til 10-6 regulerer uttømande reaksjonar ved brot på alkohollova med forskrifter. Reglane vart sett i kraft 1. januar 2016, og er delt inn i 4 grupper.

- **Følgjande lovbrod fører til tildeling av åtte prikkar**
 - Sal, utlevering eller skjenking til person som er under 18 år – Er ansett som ein av dei grovaste overtredelsane av alkohollova.
 - Brot på bistandsplikta.
 - Brot på kravet om forsvarleg drift.
 - Hindring av kommunal kontroll.

- **Følgjande lovbrod fører til tildeling av fire prikkar**
 - Sal og utlevering til person som er openbart påvirka av rusmidlar.
 - Skjenking til person som er eller må antas å bli openbart påvirka av rusmidlar.
 - Brot på sals-, utleverings- og skjenketidsbestemmelsane.
 - Skjenking av alkoholholdig drikk i gruppe 3 til person på 18 eller 19 år.
 - Brot på alderskravet til den som sel, utleverer eller skjenker alkoholholdig drikk.

- **Følgjande lovbrod fører til tildeling av to prikkar**
 - Det vert gitt adgang til lokalet til person som er openbart påvirka av rusmidlar.
 - Løyvehavar sørger ikkje for at person som er openbart påvirka av rusmidlar forlet lokalet.
 - Manglar ved løyvehavar sin internkontroll.
 - Manglande levering av omsetningsoppgåve innan kommunen sin frist.
 - Manglande betaling av løyvegebyr innan kommunen sin frist.
 - Brot på krav om styrar og reservestyarar.
 - Gjentatt narkotikaomsetning på skjenkestaden.
 - Gjentatt diskriminering.

- **Følgjande lovbrod fører til tildeling av ein prikk**
 - Brot på kravet om alkoholfrie alternativ.
 - Brot på reglar om skjenkemengde.
 - Konsum av medbrakt alkoholholdig drikk.
 - Gjester tek med alkohol ut av lokalet.
 - Brot på krav om plassering av alkoholholdig drikk på salsstad.
 - Brot på vilkår i løyvevedtaket.
 - Brot på reklameforbodet.
 - Andre lovbrod som er omfatta av alkohollova.

10.3 Utøving av skjøn ved tildeling av prikkar

- Det kan tildelast færre prikkar ved brot på lovverket enn det som følgjer av §10-3 ved heilt spesielle og svært formildande høve. Både «spesielt» og «formildande» må vere oppfylt for at ein skal gjere eit unntak.
- Det kan også tildelast fleire prikkar ved brot på lovverket enn det som følgjer av §10-3 ved svært skjærpa omstende. Terskelen for å bruke ei slik avgjerd skal vere høg og fange opp dei tilfella der det føreligg grov uaktsemd eller forhold der overtredinga sin karakter er klart meir alvorleg enn normalt tilfella, eller der det har vorte avdekka eit betydeleg antal like brot ved staden.
- Utøving av skjøn krev skriftleg grunngjeving og eventuell tilleggsdokumentasjon slik at vedtaket kan prøvast ved ein eventuell klage.

10.4 Saksbehandling i kommunen ved tildeling av prikkar

Sakene vert handsama på grunnlag av det til ei kvar tid gjeldande delegeringsreglement.

- 1 Kommunen mottok melding om brot frå kontrollørar eller andre myndigheiter.
- 2 Kommunen sender førehandsvarsel om prikktildeleg.
- 3 Løyvehavar har høve til å kome med forklaring, tilleggsopplysningar, eller imøtegå påstand om brot. Svarfristen er to veker frå motteke førehandsvarsel.
- 4 Kommunedirektøren gjer vedtak om tildeling av prikkar.
- 5 Ein eventuell klage vert behandla i Levekårsutvalet. Statsforvaltaren er endeleg klageorgan dersom vedtaket vert oppretthalde.

Dersom ein løyvehavar får tildelt til saman tolv prikkar i ein periode på to år, skal kommunestyret inndra løyvet for eit tidsrom på ei veke. Dersom det i toårsperioden vert tildelt meir enn tolv prikkar, skal kommunestyret auke inndragingsperioden tilsvarande.

11 GEBYR FOR SAL OG SKJENKING

- Alle som har eit fast sals- eller skjenkeløyve skal kvart år betale gebyr for løyve til kommunen.
- Gebyret vert rekna ut frå antal omsette liter av øl, vin og brennevin, men ved lav omsetning må det likevel betalast eit minimumsgebyr. Kvar av alkoholgruppene er

prisa forskjellig, og det er ulike prisar for sal og skjenking.

- Gebyra for sal og skjenking er fastsett i alkoholforskrifta, og vert endra med verknad frå 1. januar kvart år.
- Dei som får innvilga ambulerande skjenkeløyve eller løyve for enkeltanledning skal også betale bevillingsgebyr. Dette gebyret vert innkrevd som eit fast eingongsgebyr når løyvet vert innvilga.
- Gebyr for ambulerande skjenkeløyve er kr. 420,-
- Gebyr for enkeltanledning er kr. 2800,-
- Gebyra som vert kravd inn skal nyttast til kommunen si utøving av førebyggjande arbeid og kontroll med sals- og skjenkestadane.

11.1 Omsetningsoppgåve

- Faste sals- og skjenkestadar må kvart år levere omsetningsoppgåve med opplysningar om antal omsette liter alkoholhaldig drikk.
- Opplysningane skal sendast inn via elektronisk skjema på kommunen si nettside.
- Omsetningsoppgåva dannar grunnlaget for berekninga av gebyret. Faktura vert sendt til løyvehavar så snart omsetningsoppgåva er kontrollert og i orden.
- Fristen for innlevering av omsetningsoppgåve er 15. mai kvart år.